



Protokoll

REPRESENTANTSKAPSMØTE

Søre Sunnmøre Reinholdsverk IKS

Torsdag 23. november 2023

Kl. 09.00 i Saunesmarka

Desse møtte:

- Tine Storøy, Herøy
- Karl-Oskar Sævik, Herøy
- Linn Therese Sævik, Herøy
- Jarle Eide, Herøy (vara for Børre Oddmund Haanes Waagan)
- Knut Erik Engh, Ulstein
- Elisabeth Hoddevik, Ulstein
- Oddvar Gjerde, Ulstein
- Bernt Brandal, Hareid
- Jeanette Teigene, Hareid
- Einar Ekroll, Sande (vara for Dag Vaagen)
- Camilla Auflem Vik, Sande

Vedtaksaker:

- Sak R10/23 Godkjenning av innkalling og sakliste
- Sak R11/23 Konstituering av det nye representantskapet og val av leiar, nestleiar og valkomité
- Sak R12/23 Val av to representantar til å skrive under møteprotokollen saman med leiar (og dagleg leiar)
- Sak R13/23 Budsjett 2024 og gebyrregulativ 2024
- Sak R14/23 Økonomiplan 2025 – 2028

Orienteringssaker:

- Sak R15/23 Økonomisk resultat andre tertial og estimat / prognose for 2023
- Sak R16/23 Ymse orienteringar ved styreleiar og dagleg leiar

Sak R10/23 Godkjenning av innkalling og sakliste

Forslag til vedtak: Representantskapet godkjenner innkalling og sakliste.

Vedtak: Representantskapet godkjende innkalling og sakliste.

Sak R11/23 Konstituering av det nye representantskapet og val av leiar, nestleiar og valkomité

I valår skal ein – i følge § 6, 4. avsnitt, i selskapsavtalen – samle det nye representantskapet innan 30. desember og halde eit konstitueringsmøte. For den inneverande perioden (fram til etter valet i 2027), må representantskapet formelt konstituere seg og mellom medlemmene velje følgande:

- Leiar
- Nestleiar
- Valkomité
- Leiar i valkomitéen

I valkomitéen skal det vere ein medlem frå kvar kommune og ein av desse skal veljast til leiar i komitéen. Jamfør selskapsavtalen § 6, 5. avsnitt. Valkomitéen er ansvarlege for å finne kandidatar til styret.

Forslag til vedtak:

- **XX blei vald som leiar av representantskapet.**
- **XX blei vald som leiar av representantskapet.**
- **XX, XX, XX og XX blei valde som valkomité.**
- **XX blei vald som leiar av valkomiteen.**

Vedtak:

- **Karl-Oskar Sævik blei vald som leiar av representantskapet.**
- **Bernt Brandal blei vald som nestleiar av representantskapet.**
- **Knut Erik Engh , Jeanette Teigene, Linn Therese Sævik og Dag Vaagen blei valde som valkomité.**
- **Knut Erik Engh blei vald som leiar av valkomiteen.**

Sak R12/23 Val av to representantar til å skrive under møteprotokollen saman med leiar (og dagleg leiar)

Representantskapsmøte 1-23 blei halde (dato). Protokollen er sendt ut til deltakarane.

Forslag til vedtak: XX og XX blir valde til å skrive under på møteprotokollen.

Vedtak: Bernt Brandal og Camilla A. Vik blei valde til å skrive under på protokollen.

Sak R13/23 Budsjett 2024 og gebyrregulativ 2024

Sjå vedlegg med tittelen [Hushaldning bud 2024](#).

Sjå vedlegg med tittelen [Næring bud 2024](#).

Sjå vedlegg med tittelen [Gebyrregulativ 7% 2024](#).

Kostnadene på dei fleste innsatsfaktorane som påverkar renovasjon har auka kraftig det siste året. Auken er venta å halde fram i 2024. Vi er påverka av nasjonale og internasjonale marknader som regulerer prisane for kjøpe og sal av avfallsfraksjonar. Samtidig aukar kostnadene til transport, drivstoff, renter, forsikringar og lønn.

Dei siste åra har gebyrprosenten vore sett litt lågare enn den reelle kostnaden, då vi har hatt eit stort sjølvkostfond å ta av. Per 1/1 2023 låg sjølvkostfondet på tilnærma null. Det gjer det krevjande å halde gebyret i 2024 lågare enn den reelle kostnadsveksten, slik ein har kunne gjort når ein har hatt eit stort sjølvkostfond å spe på med.

Sjølvkostfondet er pengar som selskapet skuldar innbyggjarane når det er i pluss, eller pengar som innbyggjarane skuldar selskapet når det er i minus.

For 1,5 år sidan investerte vi i ei presse og fekk i sving ei eiga sorteringslinje for å sortere ut ulike fraksjonar av papp og papir. Dette gjer at vi toler svingande marknader for papp og papir betre enn før, då vi klarer å tilby råvarer av ein høgare kvalitet, og dermed får ein betre pris. Det same gjeld sorteringsjobben som blir gjort på anlegget i Saunesmarka. Ved å ettersortere og dermed heve kvaliteten på diverse metallfraksjonar, får vi betre betalt. Denne investeringa gjer at vi slepp billigare unna enn ein del andre renovasjonsselskap.

Samtidig ser styret heile tida på fleire tiltak som kan effektivisere og forbetre drifta. Brukaropplevinga og tenestenivået til innbyggjarane våre skal samtidig halde eit godt nivå.

I 2024 vil innbyggjarane oppleve at det blir gratis å levere reine dekk, både med og utan felg, der vi tidlegare har teke 173,- kroner per dekk med felg. Vi senkar minsteprisen på miljøstasjonane frå 70 til 60 kroner og held samtidig kiloprisen på grovavfall og treverk på same nivå som i fjor, 3,00 kroner per kilo. Prisen på ekstrasekkar til restavfall aukar heller ikkje. Som eit effektiviseringstiltak vil den sesongopne greinplassen på Eidet stenge ein månad tidlegare enn vanleg, det vil seie ikkje vere open i oktober. Innbyggjarane kan då levere hageavfallet sitt direkte på miljøstasjonen. Samtidig vil vi teste å innføre laurdagsope ein gong i månaden på miljøstasjonen i Saunesmarka i høgsesongen. Vi går då frå to til fem opne laurdagar i året (april, mai, juni, september og oktober).

I det føreslegne budsjettet ligg det inne eit forslag om gebyrauke på 7 prosent. Ein generell prisauke står for 5 prosent av auken, medan ein auke i renter og avskrivningar pluss bransjespesifikke kostnader som auka CO₂-avgift (utslag på konto 4500 Energigjenvinning) og eit stort forsikringshopp i avfalls- og gjenvinningsbransjen står for resten. Sjå figur under.

Gebyrauke 7% hushald SSR	Gebyr i kr.		kontroll
Standardgebyr 2023	kr	4 662	
Generell prisauke 5%	kr	233	5,0 %
Konto 4500 Energivinning auke utover 5%	kr	17	0,4 %
Konto 7500 Forsikringer auke utover 5%	kr	32	0,7 %
Konto 6000 Avskrivning auke pga. nødvendige investeringar	kr	13	0,3 %
Konto 8150 Rentekostnad. Stabilt høg lånerente kommunalbanken	kr	32	0,7 %
Standardgebyr inkl.mva. 2024 med 7% auke	kr	4 989	7,0 %

Forslag til vedtak:

Representantskapet godkjenner det framlagde budsjettet for 2024.

Vedtak:

Representantskapet godkjenner det framlagde budsjettet for 2024.

Sak R14/23 Økonomiplan 2025 – 2028

Sjå vedlegg med tittelen [Økonomiplan SSR 2024-2027](#).

Økonomiplanen er basert på det føreslegne budsjettet. Styret ønskjer å bremse kostnadsveksten til selskapet framover. Det er i planperioden etter 2024 derfor føreslått ein meir moderat auke i gebyret. Målet er å effektivisere drifta slik at ein kan hente inn kostnader der, også om den generelle kostnadsauken i samfunnet skulle halde fram i same tempo.

Forslag til vedtak:

Representantskapet godkjenner den framlagde økonomiplanen for perioden 2025-2028.

Vedtak:

Representantskapet godkjende den framlagde økonomiplanen for perioden 2025-2028.

Orienteringssaker:

Sak R15/23 Økonomisk resultat andre tertial og estimat / prognose for 2023

Sak R16/23 Ymse orienteringar ved styreleiar og dagleg leiar

Sak R 17/23 Møtetidspunkt 2024:

Styret føreslår at medlemmene i representantskapet sjølv fastset tidspunkt for 2024 som passar for alle møtedeltakarane.

Representantskapsmøte 1-24: 23. mai 08.30

Representantskapsmøte 2-24: 5. november 08.30

Ulsteinvik, 25.11.2023

Knut Erik Engh
leiar i representantskapet

George Fulford
styreleiar

